



KOMUNIKADO PA PRENSA

Fecha
27 mei 2016

Kolaboradó di Maneho
Corinne Leysner

Email
corinne.leysner@gobiernu.cw

TRAFIKO NA STA. ROSA A PEGA PA MOTIBU DI DESKONOSINAN KU A KAMBIA BARERA

Willemstad – For di un investigashon ku Minister Suzy Camelia-Römer di Tráfiko, Transporte i Planifikashon Urbano a hasi na altura di rotònde di Sta. Rosa, a sali ku ta deskonosinan a mishi ku e bareranan di santu ku ta para tráfiko. Dor di esaki e tráfiko den ora di pik di mainta, a pega formal. Despues ku Obra Públiko, Servisio di Tráfiko i Transporte i Polis a tuma medida i a drecha e barera, tráfiko a normalisá.

Ayera Obra Públiko a kambia e ruta di desviashon den besindario di e rotònde na Sta. Rosa pa e kontratista por finalisá e trabou den e dos simannan ku ta sigui. E cambio den desviashon a keda publiká den medionan di komunikashon di Kòrsou. Minister Camelia-Römer ta lamentá ku hende ta perhudiká otro na un manera asina i mas ainda ku ta stroba netamente trabounan ku mester sòru pa e fluho di tráfiko ta kore mas mihó.

Obra Públiko ke kòrda hende ku ta desviá e tráfiko ku ta utilisá Kaya Tuna, via di Kaya Pita, Kaya Milon di Seru i Kaya Kasha i vice vèrsá. Ta pidi un i tur pa tene kuenta ku e cambio di situashon, prinsipalmente na krusada Kaya Pita/Kaya Milon di Seru.

Ora e rotònde ta habri aki dos siman, ta kuminsá ku e trabounan na Kaya Tuna. Pa juli 2016 e proyekto ta kompletamente kla.